



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU DEMOKRATSKE STRANKE INVALIDA BOSNE I HERCEGOVINE

Broj: 03-07-6-362/18
Sarajevo, 17. maj 2019. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Demokratske stranke invalida Bosne i Hercegovine za 2017. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Demokratska stranka invalida Bosne i Hercegovine prekršila odredbe člana 5. stav (4), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Demokratske stranke invalida Bosne i Hercegovine za 2017. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska stranka invalida Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	300,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	300,00	100,00
II	Ostali prihodi i drugo	0,00	0,00
	Izvori finansiranja (I+II)	300,00	100,00

U godišnjem finansijskom izvještaju stranka je iskazala rashode u ukupnom iznosu od 188,50 KM.

2. PREDSTAVLJANJE POLITIČKE STRANKE

Naziv političke stranke je Demokratska stranka invalida Bosne i Hercegovine. Skraćeni naziv je D.S.I. BiH.

Politička stranka je u registar Općinskog suda u Tuzli upisana Rješenjem broj: 032-0-Reg-08-001261 od 04.07.2008. godine i Rješenjem broj: 032-0 Reg -10-000529 od 16.04.2010. godine, kojim je izvršen upis naziva stranke ćirilnim pismom i na engleskom jeziku. Sjedište Demokratske stranke invalida Bosne i Hercegovine je u Tuzli, Ulica Armije BiH iza broja 23.

Lice ovlašteno za predstavljanje i zastupanje stranke je Zijad Arapčić, predsjednik stranke.

Lice ovlašteno za podnošenje finansijskih izvještaja za 2017. godinu je Snežana Halilagić.

Prema podacima iz finansijskog izvještaja stranke, Demokratska stranka invalida Bosne i Hercegovine nema niže nivoe organizovanja

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske stranke invalida Bosne i Hercegovine za 2017. godinu.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Demokratske stranke invalida Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled, odnosno reviziju finansijskih izvještaja Demokratske stranke invalida Bosne i Hercegovine u periodu od 2008. do 2016. godine, nakon čega su izdati izvještaji o pregledu sa mišljenjem revizora, nalazima revizije i preporukama političkoj stranci.

Nakon izvršenog pregleda finansijskog izvještaja za 2016. godinu, političkoj stranci su date preporuke: da poslovne knjige vodi u skladu sa računovodstvenim propisima, odnosno da vodi potpune evidencije o приходima i rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da finansijske izvještaje podnosi u skladu sa odredbama Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da politička stranka nije ispoštovala preporuke revizije.

5. NALAZI I PREPORUKE

5.1 NALAZI

a) Politička stranka nije ispoštovala odredbe člana 5. stav (4) Zakona o finansiranju političkih stranaka.

Stranka nije uspostavila evidenciju o nenovčanoj donaciji koju je ostvarila korištenjem bez naknade poslovnog prostora, niti je istu prijavila u finansijskom izvještaju.

Demokratska stranka invalida Bosne i Hercegovine je u svom aktu broj: 01/09-X/18 od 12.10.2018. godine navela da koristi poslovni prostor u Tuzli, u Ulici Armije RBiH iza broja 23.

Obzirom da politička stranka nema vlastiti prostor, te da koristi tuđi prostor bez plaćanja zakupnine, ostvarila je nenovčanu donaciju, o kojoj je u skladu sa odredbama člana 5. stav (4) Zakona o finansiranju političkih stranaka obaveza uspostaviti evidenciju, te istu prijaviti u finansijskom izvještaju.

b) Pregledom godišnjeg finansijskog izvještaja je utvrđeno da je Demokratska stranka invalida Bosne i Hercegovine prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu finansijskog izvještaja, finansijske dokumentacije koju je dostavila politička stranka i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima¹, nije uspostavila potpune evidencije o svojim

¹ U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

prihodima, rashodima i obavezama² i godišnji finansijski izvještaj nije podnijela na način kako je propisala Centralna izborna komisija BiH³.

- Uvidom u finansijsku dokumentaciju utvrđeno je da je stranka u poslovnim knjigama i finansijskom izvještaju kao prihod iz budžeta, u iznosu od 300,00 KM, iskazala povrat svojih sredstava, odnosno povrat takse, koju je uplatila u prethodnoj godini na ime učešća na Lokalnim izborima 2016. godine.
- U poslovnim knjigama i finansijskom izvještaju stranka nije evidentirala nenovčanu donaciju, niti trošak zakupnine poslovnog prostora, koji koristi u Tuzli, na adresi ulica Armije RBiH iza broja 23, na kojoj je registrovano sjedište stranke, čime je prekršila odredbe člana 18. i člana 21. Pravilnika o godišnjim finansijskim izvještajima političkih stranaka.
- U finansijskom izvještaju za 2017. godinu, koji je podnijela Centralnoj izbornoj komisiji BiH, Demokratska stranka invalida Bosne i Hercegovine je po osnovu pozajmica iskazala obaveze prema predsjedniku stranke u iznosu od 34.212,00 KM, obaveze prema Savezu invalida Federacije BiH u iznosu od 7.000,00 KM, obaveze prema Savezu invalida Tuzlanskog kantona u iznosu od 2.300,00 KM i obaveze prema Mehičić Zejru u iznosu od 600,00 KM. Za sve ove obaveze, koje ukupno iznose 44.112,00 KM, stranka je kao datum njihove realizacija, rok vraćanja i stanje obaveza na poslednji dan izvještajnog perioda navela dan 29.03.2018. godine. Međutim, uvidom u poslovne knjige stranke i završni račun koji je stranka podnijela nadležnoj Finansijsko informatičkoj agenciji, utvrđeno je da su iskazane ukupne obaveze stranke u iznosu od 369,00 KM.

Obzirom da su iz poslovnih knjiga stranke za 2017. godinu prethodno navedene obaveze, isknjižene, te da je uvidom u promet transakcijskog računa utvrđeno da Demokratska stranka invalida Bosne i Hercegovine iste nije platila, Centralna izborna komisija BiH se aktom, broj: 03-07-6-362-5/18 od 06.11.2018. godine obratila predsjedniku stranke sa zahtjevom da dostavi odgovor da li on od stranke ima potraživanja u iznosu od 34.212,00 KM, obzirom da su iz poslovnih knjiga stranke za 2017. godinu obaveze po osnovu pozajmica isknjižene, što je evidentirano i u Završnom računu stranke.

Predsjednik stranke nije dostavio odgovor na zahtjev Centralne izborne komisije BiH.

Što se tiče obaveza koje je stranka u finansijskom izvještaju za 2017. godinu prijavila prema Savezu invalida Federacije BiH u iznosu od 7.000,00 KM i Savezu invalida Tuzlanskog kantona u iznosu od 2.300,00 KM, ranijim kontrolama finansijskih izvještaja je utvrđeno da je stranka kao zajmodavca prijavljivala Savez invalida BiH, a ne Savez invalida Federacije BiH, kako navodi u ovom izvještaju, te da je tokom kontrole izvještaja za 2014. godinu na zahtjev Centralne izborne komisije BiH, Savez osoba s invaliditetom Tuzlanskog kantona dostavio akt broj: 01-09-XI/15 od 18.11.2015. godine u kome navodi da je stranci uplatio pozajmicu u iznosu od 6.000,00 KM, dok Udruženje osoba s invaliditetom Bosne i Hercegovine u svom aktu, broj: 01/426-XI/15 od 18.11.2015. godine navelo da nije imalo nikakvih transakcija prema Demokratskoj stranci invalida Bosne i Hercegovine.

Obzirom da je politička stranka, kao što je naprijed navedeno, iskazala različite podatke o svojim obavezama u finansijskom izvještaju, u odnosu na podatke u poslovnim knjigama i završnom računu za 2017. godinu, te da predsjednik stranke, kao zajmodavac nije dostavio odgovor da ima potraživanja od Demokratske stranke invalida Bosne i Hercegovine, indicije su da su potraživanja od stranke po osnovu pozajmica otpisana.

² U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima

³ U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija BiH.

5.2 PREPORUKE

Preporučuje se Demokratskoj stranci invalida Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da prijavljuje priloge, bez obzira na koji način ih ostvaruje,*
- *da uspostavi tačne evidencije o приходima, rashodima i obavezama,*
- *da poslovne knjige vodi u skladu sa računovodstvenim propisima i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić